

---

Saksnr: 2020/49095-49  
Saksbehandlar: Ingeborg Strandberg

---

**Saksgang**

Utval	Utv.saksnr.	Møtedato
Fylkesvalstyret		01.06.2021

**Stortingsvalet 2021 - godkjenning av listeforslag i valdistriktet Hordaland**

Forslag til vedtak

Følgjande innkomne listeforslag med slik overskrifter vert godkjende som offisielle vallister ved stortingsvalet 2021 i valdistriktet Hordaland:

- Alliansen - Alternativ for Norge
- Arbeiderpartiet
- Demokratene
- Folkeaksjonen nei til mer bompenger Vestland
- Fremskrittspartiet
- Generasjonspartiet
- Helsepartiet
- Høyre
- Industri- og Næringspartiet
- Kristeleg Folkeparti
- Kystpartiet
- Liberalistene
- Miljøpartiet De Grønne
- Norges Kommunistiske parti
- Partiet De Kristne
- Partiet Sentrum
- Pensjonistpartiet
- Piratpartiet
- Rødt
- Senterpartiet
- SV - Sosialistisk Venstreparti
- Venstre

**Samandrag**

Innan fristen 31. mars var det levert inn 22 listeforslag til stortingsvalet 2021 for valdistriktet Hordaland. I samsvar med lov og forskrift har forslagsstillarane gjort nødvendige endringar for å få listeforslaga i samsvar med krava i lova.

Det vert rådd til at alle listeforslaga vert godkjende som offisielle vallister ved stortingsvalet 2021 i valdistriktet Hordaland slik dei ligg føre i vedlegget.

Rune Haugsdal  
fylkesrådmann

Ingrid Kristine Holm Svendsen  
fylkesdirektør

*Saksframlegget er godkjent elektronisk og har difor inga handskriven underskrift*

## Saksutgreiing

Bakgrunn for saka

Innleverte listeforslag

Det er innlevert 22 listeforslag til stortingsvalet 2021 for valdistriktet Hordaland.

Parti	Tillitsvald	Varatillitsvald
Alliansen - Alternativ for Norge	Frode Kristiansen	Ravn Dagg
Arbeiderpartiet	Marte Mjøs Persen	Torgeir Toppe
Demokratene	Svein A. Grønnevik	Hilde Bjørkhaug
Folkeaksjonen nei til mer bompenger Vestland	Bjarne Karsten Bergesen	Cato Siljander
Fremskrittspartiet	Gustav Bahun	Helge Andre Njåstad
Generasjonspartiet	Adele Nilsen	Jorunn Alfhild Tvedt
Helsepartiet	Vivian L. Veum	Thomas Aksnes
Høyre	Tom Georg Indrevik	Anette Strand
Industri- og Næringspartiet	Joar Nesse	Grethe Liv Eide
Kristeleg Folkeparti	Jarle Jacobsen	Morten Helland
Kystpartiet	Kjetil Berland	Morten Andreas Hilleren
Liberalistene	Jørgen Gundersen	Kenneth Skorpen
Miljøpartiet De Grønne	Anita Bakken	Birger Kristian Berntsen
Norges Kommunistiske parti	Alexander Nicolaysen Sørnes	Trygve Jan Horgen
Partiet De Kristne	Marita Moltu	Elisabeth Leirgul
Partiet Sentrum	Paal T. Myklebust	Kathleen Pettersson
Pensjonistpartiet	Kurt Johnny Hæggernæs	Knut Amundsen
Piratpartiet	Olav Johannes Handeland	Ståle Olsen
Rødt	Magne Hagesæter	Åsne Hagen
Senterpartiet	Jostein Ljones	Alexander F. Andersen
SV - Sosialistisk Venstreparti	Audun Syltevik	Torunn Olsnes
Venstre	Åsta Årøen	Jo Einride Lerheim

Nærare om listeforslaga

Etter vallova § 6-6 skal fylkesvalstyret innan 1. juni avgjera om listeforslaga skal godkjennast.

Listeforslag må etter § 6-1 vera kome inn til fylkeskommunen innan fristen kl. 12:00 den 31. mars i valåret. Alle listene er levert innan fristen.

22 listeforslag vart levert inn i valdistriktet Hordaland. Det er fem fleire listeforslag enn ved stortingsvalet i 2017. Ei liste frå 2017 er vekke. Det er Feministisk Initiativ. Det inneber at det er seks nye lister i Hordaland. Dei er

- Industri- og Næringspartiet
- Partiet Sentrum
- Pensjonistpartiet
- Folkeaksjonen Nei til mer bompenger
- Norges Kommunistiske Parti
- Generasjonspartiet

Merk at eitt parti som stilte for fire år sidan, Alliansen, har skifta namn til Alliansen - Alternativ for Norge.

Listeforslaga har i samsvar med vallova § 6-6 vore lagt ut til offentleg gjennomsyn. Det er ikkje kome klager eller protestar mot nokon av listene.

## Vedtakskompetanse

Jamfør vallova § 6-6 har fylkesvalstyret mynde til å gjere vedtak i saka.

## Vurderingar og verknader

### Krav til listeforslaga

Overskriftene på listene må etter vallova § 6-1 vera einslydande med partiet sitt registrerte namn. Dette er korrigert i samsvar med vallova § 6-6, og alle listeforslaga oppfyller kravet i lova.

Listeforslaga må ha minimum 16 kandidatar og maksimalt 22 kandidatar. Kravet er oppfylt for alle listeforslaga.

Etter vallova § 6-3 er det tilstrekkeleg at minst to styremedlemer i lokalavdelinga skriv under listeforslaget dersom partiet er registrert i partiregisteret og hadde ein viss oppslutning ved føregåande stortingsval. Det same gjeld parti som er registrert i partiregisteret etter siste stortingsvalet. Dette er oppfylt for 19 av partia. Desse kan behandlast under forenkla regelverk.

Følgjande parti har vorte registrert i Partiregisteret etter førre stortingsval og fyllar difor kravet til forenkla regelverk:

- Alliansen - Alternativ for Norge
- Folkeaksjonen Nei til mer bompenger
- Industri- og næringspartiet
- Partiet Sentrum

Desse registrerte partia fyllar ikkje kravet til forenkla behandling og må samle inn underskrifter jamfør reglane i § 6-3 andre ledd bokstav a i vallova. Det gjeld:

- Kystpartiet
- Norges Kommunistiske Parti

Generasjonspartiet er ikkje eit registrert parti og har ikkje stilt liste ved tidlegare val.

Kystpartiet, Norges Kommunistiske Parti og Generasjonspartiet har levert listeforslag med 500 underskrifter. Underskrivarane er kontrollerte mot folkeregisteret og oppfyller kravet m.o.t. røysterett i valdistriktet.

Fylkesvalstyret vedtok i møtet 25.03.2021 at listestillarane hadde frist til 16.05.2021 for å syte for at listeforslaget er i orden. Nokre listestillarar hadde ikkje sett listeforslaget i orden før denne tid. Når denne saka vert skrive er alle listeforslaga sett i orden.

### Tillitsvalde

Det er krav i vallova § 6-1 at det må vere to tillitsvalde som har signert listeforslaget. Jamfør vallova § 6-3 må dei tillitsvalde:

- ha røysterett i valdistriktet.
- vere styremedlem i lokallaget (fylkes- eller valdistriktsnivå). Dette kravet gjeld berre parti som vert behandla under forenkla regelverk.

Av ulike grunnar har fleire parti opphaveleg ikkje fylt desse krava til tillitsvalde. Alle listeforslaga fyllar no krava i vallova i samband med krav til tillitsvalde.

### Listekandidatane

Alle kandidatane på listeforslaga er kontrollerte mot folkeregisteret m.o.t om dei er valbare. To av kandidatane var ikkje valbare.

Kandidatane på listene har i brev sendt 14.-19.04.21 fått melding om at dei er førde opp på listeforslaget til det aktuelle partiet, og at dei må søkja fritak innan 02.05.21. Det er opplyst at retten til å krevja fritak går tapt om ikkje fristen vert halden. Departementet har rådd til at kandidatane ikkje bør ha mindre enn ei veker frist.

Breva er sendt ut via KS SvarUT, og går då til DigiPost, E-boks eller Altinn. Om kandidatane har reservert seg mot digital kommunikasjon eller ikkje opna brev i Altinn innan 40 timar, vart det sendt i fysisk brev. Dei som brukar DigiPost og E-boks har forplikta seg til å opne brev som kjem dit.

Nokre brev er komne i retur fordi den folkeregistrerte adressa ikkje samsvarar med postadressa. Desse breva er sendt til anna adresse.

Fylkesvalstyret behandla søknadene om fritak i møtet 11.05.2021. Av i alt seks søknader er seks innvilga, jfr. PS 2/21.

#### Generelt

På nokre av listeforslaga var det gjeve opp feil etternamn, mellomnamn som er registrert i folkeregisteret var ikkje opplyst, fornamn og etternamn var bytta om eller at bustadkommune var feil. Det er det namn og bustadkommune som kandidaten er registrert med i folkeregisteret som må nyttast. Det vart teke kontakt med listestillarane vedkommande dette, slik at dei fekk høve til å retta opp.

Kandidatane skal førast opp med for- og etternamn. Det er kandidaten sitt rette etternamn som må brukast sjølv om vedkommande ikkje er kjend under dette. Det namnet kandidaten er kjend under bør tilføyast i parentes. I praksis er det lagt til grunn at kandidaten kan førast opp med eit tilnamn, dersom vedkommande er allment kjend under dette, i staden for fornamnet.

Utforminga av røystesetelen avgrensar kor mange teikn ein kan bruke på namn og bustad/stilling.

Namnet til ein kandidat (inkludert fornamn, mellomnamn og etternamn) kan ikkje ha fleire enn 35 teikn. Det vart teke kontakt med tillitsvald for lista og lista vart korrigert slik at det høver med plass på røystesetelen.

Nokre parti hadde mange opplysningar om kandidatane på innlevert listeforslag. Bustad og stilling kan saman ikkje ha fleire enn 25 teikn. Det vart teke kontakt med tillitsvald for lista og lista vart korrigert slik at det høver med plass på røystesetelen.

I forslaget til godkjende lister som ligg i saka er endringane innarbeidde.

#### Særskilt om listeforslaga

Her er oversikt over dei listeforslaga der det er noko særskilt å nemne. Dei som ikkje er nemnt her har berre hatt generelle merknadar til listeforslaget sitt, eller har sett listeforslaget sitt i orden før fylkesvalstyret sin frist, 16.05.2021.

#### *Alliansen - Alternativ for Norge*

To av kandidatane på listeforslaget til Alliansen - Alternativ for Norge søkte om fritak frå å stå på liste. Søknadane vart innvilga. Partiet valde å erstatte kandidatane på dei same plassane på lista.

#### *Fremskrittspartiet*

Ein av kandidatane på listeforslaget til Fremskrittspartiet søkte om fritak frå å stå på liste. Søknaden vart innvilga. Partiet valde å rykke opp lista utan å legge til ein kandidat nedst.

#### *Generasjonspartiet*

På listeforslaget til Generasjonspartiet har ein kandidat ikkje norsk statsborgarskap per 25.05.2021. Vedkommande har sendt inn erklæring på at vedkommande har søkt om norsk statsborgarskap.

Vallova seier i § 3-1:

«§ 3-1. Valgbarhet ved stortingsvalg  
(1) Valgbar til Stortinget og pliktig til å ta imot valg er alle som har stemmerett ved valget, og som ikke er utelukket eller fritatt.  
...»

Alle kandidatar må difor ha røysterett på valdagen (13.09.2021). Det krev at kandidatane er norske statsborgarar. Om kandidaten ikkje fyllar krava i vallova § 3-1 (1) i vallova på valdagen, vil kandidaten ikkje vere valbar. Kandidaten vert då fjerna frå valoppgjeret.

Partiet er informert i e-post 20.04.2021 at kandidat 2 vert fjerna frå valoppgjeret om ho ikkje er valbar på valdagen. Partiet har stadfesta at dei vil halde på vedkommande som kandidat 2.

Fylkesvalstyret kan difor godkjenne listeforslaget innan fristen 01.06.2021. Om kandidaten ikkje er registrert i folkeregisteret 13.09.2021, vert kandidaten fjerna frå valoppgjeret.

### *Kystpartiet*

Ein av kandidatane på listeforslaget til Kystpartiet søkte om fritak frå å stå på liste. Søknaden vart innvilga. Partiet valde å erstatte kandidaten på den same plassen på lista.

### *Liberalistene*

Det var ikkje mogleg å stadfeste om varatillitsvald for listeforslaget var styremedlem i lokallaget, og partiet vart difor bedt om å stadfeste dette. Partiet sendte slik stadfesting 21.05.2021, 4 dagar etter fristen fylkesvalstyret vedtok for listestillar å sette listeforslaget i orden.

### *Miljøpartiet De Grønne*

Partiet skulle sende inn stadfesting på ein kandidat der det var uklart om det var rett person. Partiet sendte slik stadfesting 20.05.2021, 4 dagar etter fristen fylkesvalstyret vedtok for listestillar å sette listeforslaget i orden.

### *Partiet Sentrum*

Ein av kandidatane på listeforslaget til Partiet Sentrum søkte om fritak frå å stå på liste. Søknaden vart innvilga. Partiet valde å rykke opp lista og å legge til ein kandidat nedst.

### *Pensjonistpartiet*

Partiet skulle sende inn stadfesting på ein kandidat der det var uklart om det var rett person. Partiet sendte slik stadfesting 26.05.2021, 9 dagar etter fristen fylkesvalstyret vedtok for listestillar å sette listeforslaget i orden.

### *Piratpartiet*

Ein av kandidatane på listeforslaget til Piratpartiet søkte om fritak frå å stå på liste. Søknaden vart innvilga. Partiet valde å rykke opp lista utan å legge til ein kandidat nedst. Partiet sendte stadfesting på dette 25.05.2021, 8 dagar etter fristen fylkesvalstyret vedtok for listestillar å sette listeforslaget i orden.

Kommunikasjon med listestillarane

Fylkesrådmannen har på vegner av leiar i fylkesvalstyret vore i kontakt med dei tillitsvalde for listeforslaga ved fleire høve.

- I veke 15 fekk alle tillitsvalde e-post med informasjon om større manglar ved listeforslaget som var oppdaga til då, samt informasjon om prosessen vidare. Ein e-post vart sendt til feil e-postadresse, og vidareformidla når feilen vart oppdaga.
- Tidleg i veke 19 fekk alle tillitsvalde brev frå leiar i fylkesvalstyret via e-post med ei oppsummering av alle feil eller manglar ved listeforslaga, samt eit utkast av informasjonen som kjem på røystesetelen. Dei tillitsvalde vart bedt om å kome med stadfestingar eller eventuelle innspel til informasjonen som kjem på listeforslaget.
- I veke 20 fekk alle tillitsvalde som ikkje hadde kome med stadfestingar som var førespurd ei påminning.

Fylkesrådmannen har elles vore i kontakt med dei tillitsvalde per e-post eller telefon ved behov. Det har til tider vore vanskeleg å få svar frå nokre av dei tillitsvalde, men for det meste har fylkesrådmannen fått dei svara han treng.

Andre vurderingar

**Økonomi:** Ikkje aktuelt.

**Klima:** Ikkje aktuelt.

**Folkehelse:** Ikkje aktuelt.

**Utviklingsplan for Vestland 2020-2024 (Regional planstrategi):** Ikkje aktuelt.

Konklusjon

Etter at fristen for innlevering av listeforslag er gått ut, kan forslagsstillarane berre gjera dei endringane som er nødvendige for å få forslaget i samsvar med krava i lova. Det inkluderer også å setja inn ny kandidat dersom nokon vert strøken frå lista, jfr. valforskrifta § 15.

I forslaget til godkjende listeforslag som ligg i saka er endringane innarbeidde.

3 listeforslag var ikkje sett i orden før fylkesvalstyret sin frist 16.05.2021, men alle listeforslaga er sett i orden per 27.05.2021. På tross av at dei 3 listeforslaga ikkje heldt fristen til fylkesvalstyret, vil fylkesrådmannen rå til at dei vert godkjent som offisielle listeforslag.

Fylkesrådmannen rår fylkesvalstyret til å godkjenna følgjande listeforslag som offisielle vallister slik dei her ligg føre i vedlegget.